

/ **Alepidia** nov. gen.

Generi *Pilophorus* valde affinis, differt autem articulo secundo antennarum graciliore et apicem versus vix incrassato, hemielytris lateribus parallelis nec medio coarctatis, fasciis albo-pubescentibus destitutis cuneoque horizontali. Typus: *Pilophorus gracilis* UHLER, in GILLETTE and BAKER, Hem. Color. 1895, p. 42.

Div. **Oncotylaria**.**Macrotylus amoenus** n. sp.

Pistacino-viridis, superne pilis retrorsum vergentibus nigris pilosus, parte apicali pronoti cuneoque flavo-virentibus, hoc fascia media nigra signato; membrana nigricante, maculis duabus majusculis marginalibus exterioribus albis, altera inter cuneum et areolam minorem, altera mox ante medium limbi exterioris; antennis nigris, extremo apice articularum primi et secundi albido, articulo secundo margini basali pronoti longitudine subaequali; pedibus viridibus, extrema basi tibiatarum tarsisque nigris; segmento maris genitali fuliginoso-fusco; capite basi pronoti circiter $\frac{2}{3}$ angustiore, ab antico viso latitudini cum oculis aequae longo, infra oculos minutos longius producto, vertice oculo saltem triplo latiore (σ), oculis nigris; rostro coxas posticas attingente; pronoto basi longitudine fere duplo latiore, apice longitudini aequae lato. σ . Long. 2, lat. $\frac{3}{4}$ mm.

Westville, Ct, d. 4 julii 1904, D. W. E. BRITTON, communicavit D. VAN DUZEE.

Species minuta, sed pulchella, colore signaturisque quibusdam palaearticis sat similis.

Hoplomachidea nov. gen.

Corpus ovale, nitidulum, ubique tomento albicante squamiformi admodum dense vestitum, solum capite et pronoto pilis paucis nigris; capite leviter nutante, a supero viso pronoto aequae longo, basi pronoti circiter $\frac{1}{3}$ angustiore, ab antico viso quinquangulari, oculis excertis, infra oculos longe rostrato-producto, parte infra oculari oculo fere duplo longiore; capite a latere viso altitudine basali longiore, fronte apicem versus sensim leviter declivi, clypeo fortiter prominente, arcuato, basi a fronte linea transversali impressa discreto, ipsa basi supra medium altitudinis capitis a latere visi posita, angulo faciali acuto, genis sat altis, gula peristomio aequae longa, leviter obliqua; oculis laevibus, fortiter exsertis, superne et a latere visis suborbicularibus, in genas parum extensis; rostro apicem coxarum intermediarum haud superante, articulo primo capitis longitudine; antennis ab apice oculorum sat remote insertis, articulo primo apicem clypei vix attingente, secundo margine basali pronoti brevioris, apicem versus sensim leviter incrassato, duobus ultimis simul sumtis secundo paullo brevioribus; pronoto latitudine basali fere dimidio brevioris, apice longitudini aequae lato, margine apicali sat profunde sinuato, lateribus subsinuatis, margine basali versus latera leviter rotundato, medio supra scutellum submarginato-truncato, disco versus apicem modice declivi, callis bene discretis, medium disci attingentibus; scutello pronoto aequae longo, basi late detecto; hemielytris abdominis longitudine, commissura clavi scutello paullo longiore, cuneo latitudine basali distincte longiore, membrana biareolata; areola alarum hamo valido ab origine venae decurrentis emisso; xypho prosterni plano, lateribus tenuiter marginatis; metastethio orificiis destituto, inter coxas intermedias et posticas utrinque stria transversali impressa; coxis anticis